

Kurpfälzer Drabble-Battle

Heimattage 2025

Weinheim

Teilnehmer der Finalrunde
Stefan Unser



**DACHVERBAND
DER DIALEKTE**
Baden-Württemberg



Badisch für Ofänger –

iwers schwätze, iwers driwer schwätze un iwers mit ebber driwer schwätze

Erschtens: Schwätze

Schwätze, des isch, wenn ma mocht, dass än onnere here konn, was ma selber grad denkt.

Zwaitens: Driwver Schwätze

Mit dem driwver, beim driwver schwätze, do moint ma ebbes. Also des, um wasses geht. Also iwver was ma do schwätzt.

Drittens: Mit ebber driwver schwätze

Mit dem ebber, baim mit ebber driwver schwätze, do moint ma oiner. Also än onnerer.

Mit wäm du do schwätsch isch do däbai egal.

Awwer do wo i wohn, do schwätzt ma net mit dämm, wo ma ebbes hat, sonnern immer mit äme onnere.

Awwer immer mit oim, der wo dän a kennt.

Aikaufe im Advent

I kann gonz älloi aikaufe.

Awwer maei Frau, die lasst mi nu Sache aikaufe, wo i nix faalsch moche kann.

Butter, Milch, Kaffee, Klobabier.

Letschtjohr, kurz vor Waihnachte, do war i baim Lidl aikaufe.

Un wo i vor däm Klobabier gstone bin, do hats des Klobabier mit sorre ockergähle Verpackung gewwe.

Un ausse isch druffgstone: Mit Schpekulatusduft.

Do blaib i erscht ämol steh un denk noch.

Isches ä gute Idee, in dä Adventszeit, om Hinnern, noch Spekulatus zu duftä?

Un was isch, wenn ma no vom Klo ind Kich nei kommt?

Do denksch jo: Alder, do riechts wie uffm Klo.

Stelleozaig im Ortsblättl

Unsre Gmoinde hat ä Stelleozaig im Ortsblättl ghet.

Än Bät Schla of Arts paplic Manatschment suchedse.

Mäi Mudder wollt wisse was des isch.

I häb zurre gsagt:

Mama, Ba-che-lor, skommt vom schwäbische du Bachl un haist so viel wie Halbgschaiter. Än Gonzgschaiter, des wärn Maischder, awwer der haist dann Maschder.

Of Arts haist von derre Art odder oiner wo die Kunscht beherrscht.

Public kommt vom englische public un haist effentlich.

Un Ma-na-ge-ment, do ischn Rechtschraibfähler drin. Des muss Ma-ne-ge-ment haise, so wied Maneesch im Zirkus.

Unsre Gmoinde suchd nämlich än Halbschaide woän effendliche Zirkus mocht – also än Verwaltungsfachwird im effendliche Diensch.

Rumschälde wennd ned do bisch

Vor ä paar Johr simma im Gschäft mol bäim Friehtick zommegeesse.

Nu oiner hat gfählt.

De Herr Müller.

Aigentlich haistda Schwarz.

Awwer wägem Datenschutz nänn ich än jetz Müller.

Un do hän alle gschimpft iwwer dän.

De Müller mocht sai Ärwert net rächt.

De Müller daugt nix.

Un bled ischer a.

No häwwi ma des ä Wäile oghert.

Un no häwwi gsagt:

Also i bin jo froh dasses dän Müller gibt.

Und ah dass de Müller so än Seckl isch.

Wänns dän Müller net gäb, no dätema joh iwwer än onnere schälde. Un des wär jo donn oiner von uns.